

ANNALI VENETI

DALL'ANNO 1487 AL 1500

DEL SENATORE DOMENICO MALIPIERO

ORDINATI E ABBREVIATI

DAL SENATORE FRANCESCO LONGO

AGGIUNTOVI

I DISPACCI AL SENATO VENETO

DI FRANCESCO FOSCARI E DI ALTRI ORATORI

ALL'IMPER. MASSIMILIANO I

E LA STORIA VENETA DETTATA DA DANIEL BARBARO

E COMPLETATA COLLA STORIA SEGRETA DI LUIGI BORGHI

DALL'ANNO 1512 AL 1515

**PARTE III.^a, IV.^a E V.^a DEGLI ANNALI
DISPACCI DI FRANCESCO FOSCARI
STORIA VENETA DI D. BARBARO E L. BORGHI**

2,000 ducati; e quella de Antonio Diedo q. Andrea de San Cassan, brusà del 94: e no è stà nessun in quel Consegio che habbia vogiù consentir. E la Terra ha mormorà assai, che sia stà preso quella de i Venieri, tanto più che i è richi; che i ha dà in dota a so zenero Alessandro Trivisan, fio de Anzolo, 7,000 ducati: e tutti i altri, dal Diedo in fuora, è poveri; e la Terra poteva accomodar particolari per refar stabili, per haver el beneficio della decima. Ma finalmente, a' 25 de Novembrio, è stà preso de dar a i Molini quanto i domanda; e all'Alberto q. Zuane Dott., per le so case brusae a San Cassan, e a Nicolò da Riva q. Polo, per l'incendio della so casa in Boca de Rio de Muran verso S. Michiel, la qual fo de cha Amai, 1,500 ducati per un; con condicion che, avanti che i toca i danari, i dagha piezaria al Sal de metterli in la fabrica, tempo sie mesi.

A' 18 d'Auosto, è stà trovà a Rialto, in una volta, apicà Anzolo Miani; e no è stà lassà veder a nissun.

Zuan Battista Foscarini, q. Piero dalla D'raparia, è rimaso primo de balote de Pregai, el Consegio passado; e un so zovene de bothegea con un altro, tutti do balotini (1), son andai ad allegrarse, e ghe ha ditto: Mi, con i me compagni, havemo fatto el dover; e lui ha resposo: A che muodo? E esso ha ditto: Voltemo i bossoli, e femo scorer le balote de no in quelle de si. Zuan Battista conferì la sera con i fratelli la cosa, e insieme con essi deliberò de manifestarla al Dose, dubitando che no ghe fosse fatto qualche opposition, quando la cosa vegnisse a luse; chè la colpa merita la forca. Subitamente 'l Dose fese chiamar coloro; e vegnudi in la so camera, son stà retegnudi. E puo', è stà fatto vegnir in la Terra Zuan Giacomo Bon, patron della galia de Piero Loredan morto, perchè s'ha scoperto che l'ha intelligentia con costoro: e a' 17 de Settembrio, el Consegio di X, con gran Zonta, è stà su questo caso fin tre hore de note, digando i balotini al Bon su la fazza, che 'l ghe ha comesso che in le balotation i fazza andar le balote da no in quelle de si; e lui è stà sempre costante che i mentisse: ma, in fin el Bon è stà confinà a Famagosta in so vita, con taglia; e rompendo 'l confin che 'l stia un anno in preson forte, e che puo'

(1) Balotini erano quelli che andavano a raccogliere i suffragi ne' consigli.